

特約撰述 香港新界風土名勝大觀 江山故人

(五二) (禁止轉載)

第三章 南部寫真

(二十一) 馬油塘

一稱溜塘。位於蛾眉山與東嶼山之間。兩去鯉魚門二英里。惟山行轉折。自鯉魚門之涌口越山經蘇湖村至此。需一小時半也。東南至蘇湖。則僅二十分鐘耳。其西北去九龍城亦二英里。路程之曲折。亦與鯉魚門至此相等。計由牛池灣起行。過安老院前。循徑登山。約半小時。過路左之茶寮。即見山徑歧分。左行者。往鯉魚山徑。中行者。往井欄樹坑

口。右行者。經一九一三年所築之晏打臣路往馬油塘鯉魚門。從晏打臣路至此。亦需一小時許也。村有屋廿餘間。倚坡而立。下望田疇。黃雲四野。居民分會李朱三姓。各設家祠。並有維新小學。讀者十餘人。曾氏居此最早。遠在乾嘉之間。其先世。廣東五華縣人也。村人多務農。間有遠出為航海人。歷久始歸。歸必為村中謀建設。桑梓之情。蓋甚深也。村之北。大木參天。濃陰翳道。過其地者。歷十分鐘

始盡。炎夏至此。神為之怡。

(廿一) 井欄樹

居蛾眉山之北麓。西去九龍城需四十分鐘。東南去將軍澳約半小時。地勢如高原。環繞皆山。又成小谷。田畝皆在村前。其東南部。溪流錯雜。綠樹扶疎。村居整潔。高二層者二間。居民百餘。邱姓最多。有邱氏家祠。由此東北行。經白石窩高美而至鯉魚山。不需一小時。在此山徑中途。從右行。亦可至大埔仔也。

(廿二) 將軍澳

蛾眉山及東山以東。將軍澳灣沿岸及其東一帶。統名將軍澳。大小村落計有蘇湖。將軍澳。尤魚灣。坑口。孟公屋。橫榔灣。上陽。下陽。大坑口。大環頭。相思灣等處。中以坑口為最繁盛。新界南約重鎮之一也。將軍澳與孟公屋為兩大古村。餘皆屬小村耳。今別述之如次。

將軍澳。在將軍澳灣之極西北。臨大埔山仔之南麓。東對尤魚灣。居民三百餘。多陳姓。其先世來此。遠在明萬曆年間也。(未完)